

Na osnovu provedenog postupka direktonog sporazuma shodno članu 90. Zakona o javnim nabavkama („Sl. glasnik BiH“, broj 39/14) i članu 8. tačka b) Pravilnika o postupku direktnog sporazuma broj: 27-2U.O./15 od 29.01.2015. godine, a u skladu sa odredbama Zakona o obligacijskim odnosima („Službeni list RBiH“, br. 2/92, 13/93 i „Službene novine Federacije BiH“ br. 13/94 i 42/11), dana 12.12.2017.godine u Sarajevu, z a k l j u č u j e s e

U G O V O R

o vršenju usluga monitoringa biodiverziteta na Zaštićenom pejzažu „Bijambare“

I z m e đ u

1. **KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva 28, 71 000 Sarajevo, Identifikacioni broj 4201424050008, a koju zastupa direktor mr. sci. Osman Delić, kao Naručioc usluga sa jedne strane i
2. **ŠUMARSKI FAKULTET UNIVERZITETA U SARAJEVU**, sa sjedištem u ulici Zagrebačka br. 20, 71 000 Sarajevo, Identifikacioni broj 4200174900004, PDV broj 200174900004, a koju zastupa dekan prof. dr. Mirza Dautbašić kao Izvršioc usluga sa druge strane.

I-PREDMET UGOVORA

Član 1.

Naručioc naručuje, a Izvršioc preuzima obavezu da izvrši usluge monitoringa biodiverziteta na Zaštićenom pjezažu „Bijambare“, a to uključuje:

- prikupljanje i analizu podataka sa trajnih eksperimentalnih ploha postavljenih u zaštićenom području,
- prikaz položaja na topografskoj karti razmjere 1:5.000 u digitaliziranoj formi koja je aplikovana u GIS-u,
- formiranje grafičke baze podataka za položaj ploha za monitoring,
- Izrade elaborata.

Usluge će se izvršiti u skladu sa Ponudom broj: 01/1-3762/17-2 od 10.11.2017. godine.

II-CIJENA

Član 2.

Ukupna cijena za izvršene usluge iz člana 1. Ugovora, utvrđuje se u iznosu od 5.100,00 KM bez PDV-a odnosno u iznosu od 5.967,00 KM sa uračunatim PDV-om.

Cijena usluga koja je utvrđena u stavu 1. ovog člana je fiksna, odnosno ne podliježe bilo kakvim promjenama.

III- PLAĆANJE

Član 3.

Plaćanje će se izvršiti avansno u iznosu od 50% od ukupne cijene usluga nakon obostranog popisivanja ugovora, dok će se preostali iznos od 50% uplatiti nakon okončanja usluga i dostavljanja elaborata u dva tvrdo uvezana primjerka i jedan primjerak u elektronskoj formi na CD-u.

Novčana sredstva će se doznačiti na račun broj 338 900 220 792 8948 otvoren kod UniCredit Banke d.d. Sarajevo.

IV- OBAVEZE IZVRŠIOCA

Član 4.

Izvršioc se obavezuje da će stručne usluge sadržane iz člana 1. ovog ugovora i izvršiti u ugovorenim rokovima i po pravilima struke, te dostaviti elaborat u dva tvrdo uvezana primjerka i jedan primjerak u elektronskoj formi na CD-u u skladu sa ponudom i članom 1. ovog Ugovora.

V- OBAVEZE NARUČIOCA

Član 5.

Naručilac se obavezuje da će:

- izvršiti plaćanje usluga iz člana 3. ovog ugovora i
- obezbijediti tehničku pomoć na terenu.

VI- ROK VRŠENJA USLUGA

Član 6.

Usluge će se izvršiti najkasnije so kraja mjeseca septembra 2018. godine .

VII -OSTALE ODREDBE

Član 7.

Na druge uslove koji nisu regulisani ovim ugovorom, primjenjivati će se Zakon o obligacijskim odnosima.

Član 8.

Ugovorne strane su saglasne da će eventualne sporove po ovom ugovoru rješavati sporazumno, a ukoliko to nije moguće nadležan je sud u Sarajevu.

Član 9.

Ovaj ugovor je sastavljen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

Šumarski fakultet
Univerziteta u Sarajevu

DEKAN

prof. dr. Mirza Dautbašić

Kantonalna javna ustanova
za zaštićena prirodna područja

DIREKTOR

mr/sci. Osman Delić

Broj: 011-4476/17
Sarajevo, 20.12 2017. godine

Broj: JN-230-8/17
Sarajevo, 12.12.2017. godine